

Myanda ya Kunyemena'ko ya Kabuku ka ku Kupwila Būmi ne Mwingilo

5-11 KWEJI 9

BYABULĒME BYA MU KINENWA KYA LEZA | 1 BALOPWE 9-10

“Tendela Yehova pa Mwanda wa Tunangu Twandi”

w99-F 1/7 p. 30 mus. 6

Bupempudi bwa Kamweno

Mulopwe mukaji wa Sheba pa kwitana na Solomone, wāshilula kumutompa na “bipangujo bikutakane.” (1 Balopwe 10:1) Musemwa wa mu Kihebelu wingidijibwe pano ubwanya ku-shotolola “ntyonko.” Ino, ke kunenapo amba uno mulopwe mukaji wādi ukimba kukaija Solomone makayo mabi. Uno musemwa umo onka wa mu Kihebelu i mwingidijibwe ne mu Nĩmbo ya Mitōto 49:4, mwanda wa kulombola bipangujo bya mvubu bitala bubi, lufu ne bukūdi. Nanshi uno mulopwe mukaji wāngidije ntyonko mwanda wa kutompa tunangu twa Solomone. Bible unena'mba, ‘Washilula kumusapwila byonso byadi ku mutyima wandi.’ Solomone nandi “walondolola bipangujo byandi byonso. Kekwadipo kintu kikomo bininge kyatuninye mulopwe kumushintulwila.” —1 Balopwe 10:2b, 3.

w99-E 11/1 p. 20 mus. 6

Shi Buntu Bubavula

Mulopwe mukaji pa kutulumuka na byaāivwene ne na byaāmwenene, wāloncholola na kwityepeja'mba: “Bengidi bobē bemananga kyaba ne kyaba ku meso obe, bateja tunangu tobe nabo i ba nsangaji!” (1 Balopwe 10: 4-8) Kātelelepo bengidi ba Solomone bu ba nsangaji mwanda wa kujokolokwa na bupeta —nansha byobadi nabo, mhm. Ino, bengidi ba Solomone bādi ba nsangaji mwanda bādi bevwana nyeke tunangu tobāpele Solomone kudi Leza. Mulopwe mukaji wa Sheba i

mushile bengidi ba Yehova kimfwa kiyampe dyalelo, mwanda wa bamwene mu tunangu twa Umpangi ne twa wandi Mwana, Yesu Kishitu!

w99-F 1/7 p. 30-31

Bupempudi bwa Kamweno

Mulopwe mukaji wa Sheba wātulumukile pa kwimwena tunangu twa Solomone ne bupeta bwa bulopwe bwandi. O mwanda, “kemwa-kidipo kadi mushipiditu mwadi.” (1 Balopwe 10:4, 5) Bamo bashotololanga uno musemwa amba, mulopwe mukaji ‘wāshele mu kanwa pululu.’ Mwifundi umo i mufule'nka ne ku kunena amba uno mulopwe wāpungile! Na bubine, uno mulopwe wātulumukile pa byaāmwenene ne byaāivwene. Wāityile bengidi ba Solomone bu ba nsangaji mwanda bādi bateja mulopwe Solomone wa tunangu, kadi wātendele Yehova pa kutūla Solomone pa lupona. Ebiya wāpa mulopwe byabuntu bya bei, olo, dyalelo ibwanya kufika ku madolala 40000000. Solomone nandi wāpa uno mulopwe mukaji byabuntu “byonso byadi usaka ne byaalombe.”—1 Balopwe 10: 6-13.

Byabupeta bya ku Mushipiditu

w08-F 1/11 p. 22 mus. 4-6

Le Wadi Uyukile?

Le Mulopwe Solomone wādi na buvule bunga bwa olo?

Bisonekwa binena'mba, Hilama mulopwe wa Tyila, wātumina Solomone matone anā a olo, mulopwe mukaji wa Sheba nandi wāmutumina buvule bwa matone amo onka, kadi byombo bya Solomone byāselele ku Ofila matone 15 a olo ne kupita. Bisonekwa binena'mba: “Bulēmi bwa olo yobadi baletela Solomone mu mwaka umo, bwādi bufika pa

talenta 666 ya olo,” nansha matone 25 ne kupita. (1 Balopwe 9:14, 28; 10:10, 14) Le i bya bine? Le bungi bwa olo mu kibiko kya mulopwe bwādi namani?

Bilembwa bya kala, bimonwa na befundi bu bya bine binena’mba, pharaon Thoutmosis III wa Edipito (mu myaka tununu tubidi Y.K.) wāletele matone 13,5 a olo ku tempelo ya Amôn-Râ ku Karnak. Mu mwaka wa katwa ka mwānda Y.K., Mulopwe Tilate-Pilese III wa Ashidia wātambwile mulambu wa matone 4 ne musubu a olo ya ku Tyila, kadi Salekona II nandi wāletele buvule bumo bonka bwa olo bu kyabuntu ku baleza ba mu Babiloni. Mulopwe Fidipa II wa Masedonya (mu 359-336 Y.K.) unena bu wākolele matone 28 ne musubu a olo mwaka ne mwaka itamba mu mingotyi ya Pangée mu Talase.

Alekizandele Mukatampe mwanā Fidipa (mu 336-323 Y.K.) wāselele matone 1180 a olo ne kupita paānekenye kibundi kya Peleshia mu Susa ne matone 7000 ne kupita a olo a ku Peleshia. Potudingakanya kino kibalwa kyonso, nanshi buvule bwa olo yādi na Mulopwe Solomone bwisambile’po Bible, kepupityile’byopo kipimo.

12-18 KWEJI 9

BYABULĒME BYA MU KINENWA KYA LEZA | 1 BALOPWE 11-12

“Tonga na Tunangu Muntu wa Kwisonga Nandi”

w18.07 p. 18 mus. 7

“I Ani Udi ku Mutamba wa Yehova?”

⁷ Solomone paādi nkasampe, wādi mu ki-pwano kiyampe na Yehova. Leza wāpele Solomone tunangu tuvule ne mwingilo wa mvubu wa kūbaka tempelo milumbuluke mu Yelusalema. Ino yō, Solomone wājimije kipwano kyandi na Yehova. (1 Balopwe 3:12; 11:

1, 2) Bijila bya Leza byānenene amba mulopwe “kafwaninwepo kusonga bakaji bavule kutyina’mba mutyima wandi wakasāsuka.” (Kupituluka 17:17) Solomone kākōkelepo kino kijila. Ku mfulo, wāikala na bakaji 700 ne bakaji 300 ba pafula! (1 Balopwe 11:3) Bavule mu bano bana-bakaji bādi ba mizo ingi bene bādi batōta baleza ba bubela. Kadi Solomone kākōkelepo kijila kya Leza kya kuleka kusonga bana-bakaji ba mizo ingi.—Kupituluka. 7:3, 4.

w19.01 p. 15 mus. 6

Le I Muswelo’ka Obwanya Kulama Mutyima Obe?

⁶ Satana usakanga twikale mwaikadile—ntomboki upumpunya misoñanya ya Yehova kadi wa mutyima wa kwisakila. Satana kabwanypapo kwituningila tulange ne kulonga bintu mwasakila. O mwanda utompanga kufikidija kitungo kyandi mu miswelo mikwabo. Kimfwa, i mwitufwenye bantu baonene kala. (1 Yo. 5:19) Ukulupile amba tukapityija nabo kitatyi nansha byotuyukile amba kupwana na babi “konanga” nansha ‘kuboleja’ mulangilo ne bilongwa byetu. (1 Ko. 15:33; kunshi kwa dyani) Ano manwa wākwete nao Mulopwe Solomone. Wāsongele bakaji bavule bajentaila, ku mfulo nabo bāikala na “lupusa lukatampe pādi” kadi “baalamuna bityebitye mutyima wandi” kudi Yehova.—1 Ba. 11:3; kunshi kwa dyani.

w18.07 p. 19 mus. 9

“I Ani Udi ku Mutamba wa Yehova?”

⁹ Inoko Yehova kāidilwepo buno bubi nansha dimo. Bible unena’mba: “Yehova wakalabela Solomone, mwanda mutyima wandi wasāsukile kudi Yehova.” Leza wātompele kukwasha Solomone. Yehova “wamumwekele misunsa ibidi ne wamudyumwine pa uno mwanda amba kufwaninwepo kulonda baleza bangi.

Ino aye kakōkelepo byamusoñenye Yehova.” Mfulu mfulō, wābulwa kwitabijibwa ne ku-kwashibwa na Leza. Yehova kālekelepo bana ba Solomone babikale pa Isalela yense, kadi bālwire na makambakano mavule mu bula bwa myaka tutwa na tutwa.—1 Ba. 11:9-13.

Byabupeta bya ku Mushipiditu

w18.06 p. 14 mus. 1-4

Wādi Ukokeja Kwitabijibwa na Leza

Lehaboma wābungakenye basola bandi mwanda wa kupwija buno butomboki. Ino Yehova wāmukankaja kupityila kudi mupolofeto She-maia, na kunena’mba: “Kemukakandapo, nansha kulwa ne bāna benu bāna ba Isalela, ehe, jokai, muntu ense ku yandi njibo; mwanda kino kintu kino’ki i kya kudi ami.”—1 Ba. 12:21-24.

Kuleka kukalwa? Fwatakanya’po bidi mobyāvutakaninye Lehaboma ñeni! Lelo bantu bādi ba kumona namani mulopwe wādi wisāsula kupa babikalwa bandi mfuto “na tuminye,” ino kepaijije ne kwija kwine akomenwe kupwija buno butomboki? (Dingakanya na 2 Bilongwa 13:7.) Nansha nankyo, mulopwe ne basola bandi “bakōkela ku mwanda wa Yehova, ke betole baenda dishinda dyabo, mwendele mwanda wa Yehova.”

Le i ñeni’ka yotuboila’ko? I biyampe kukōkela Leza nansha shi kulonga namino kubwanya kwitulengeja tuzawilwe. Kukōkela Leza kutwalanga ku kweselwa ne kwitabijibwa nandi.—Kup. 28:2.

Le Lehaboma wālongele’po namani? Wākōkele, wāleka nkuku yandi ya kukalwa na uno muzu mupya wāshimikilwe, wāta mutyima ku kūbaka bibundi mu ntanda ya Yuda ne ya Benjemani, mwine mwaāshele ubikele. Wākomeje bibundi bivule, “webilonga ke biko-mokomo byamwiko’tu.” (2 Bilongwa 11:5-12)

Kya mvubu na kampata, mu kine kitatyi’kya wālamete ku bijila bya Yehova. Nansha bisa-ka dikumi bya bulopwe bya Isalela buludikwa na Yeloboame byobyāponene mu kutōta bile-zaleza, inoko bavule mobadi bākwtakenye “Lehaboma” na kwenda ku Yelusalema mwanda wa kukakwatakanya mutōtelo wa bine. (2 Bilongwa 11:16, 17) Bine, kikōkeji kya Lehaboma kyālengeje bulopwe bwandi buko-mejibwe.

19-25 KWEJI 9

BYABULĒME BYA MU KINENWA KYA LEZA | 1 BALOPWE 13-14

“Ikala naButūkanye ne Kusangela’nka Byodi Nabyo”

w08 1/8 p. 13 mus. 4

Kōkela na Mutyima Umo

⁴ Ebiya Yeloboame wanena muntu wa Leza amba: “Twaya bidi kwami, ukapunguluke bidi, kabidi nkakupa mpalo.” (1 Bal. 13:7) Pano mupolofeto ukalanga namani? Le uketabija kizaji kya mulopwe pa kupwa kumusapwila musapu wa kumutopeka? (Mit. 119:113) Nansha ukapela lwito lwa mulopwe wamwe-ka bu wealakanya? Na bubine, Yeloboame udi na bupeta bwabwanya kupala balunda nandi. Ekale mupolofeto wa Leza udi na katyima ka kusanswa bya bupeta nabya kyabuntu kya mulopwe i ditompo kwadi. Inoko Yehova wanenene mupolofeto amba: “Abe kukadī-po bidibwa, nansha kutoma mema, nansha kwitola mu dishinda dyo waendelemo, ehe.” Kupwa mupolofeto waalukila ku Betele mu dishinda dingi. (1 Bal. 13:8-10) Lelo i ñeni’ka yotuboila ku butyibi bwākwete uno mupolofeto pa bitala mutyima wa kukōkela?—Loma 15:4.

w08 1/8 p. 15 mus. 15
Kōkela na Mutyima Umo

¹⁵ Lelo i kika kikwabo kyotukokeja kwifundi-
la ku kilubo kya mupolofeto wātambile ku
Yuda? Nkindi 3:5 inena amba: “Kulupila mudi
Yehova ne mutyima obe onsololo, kadi koka-
lemēnenapo pa kwivwanija kwa abe mwine.”
Pa kyaba kya kukulupila nyeke mudi Yehova
na mwaādi umukulupile, ino pano mupolofe-
to wātambile ku Yuda wekulupile aye mwine.
Kilubo kyandi kyāmwipaija ne kujimija dijina
diyampe ku meso a Leza. Bine, uno mwa-
nda mumweke ulombola patōkelela mvubu ya
kwingidila Yehova na bumvubumvu ne kikō-
keji!

w08 1/8 p. 14 mus. 10
Kōkela na Mutyima Umo

¹⁰ Mupolofeto wāile ku Yuda wādi na bwa-
napabo bwa kujingulula budyumuku bwāile
na mupolofeto mununu’wa. Wādi wa kwii-
pangula’mba, ‘Mwanda waka Yehova watume
mwikeulu kudi muntu ungi na myanda inta-
la?’ Mupolofeto wādi ubwanya kwipangula
Yehova amulombole kya kulonga, ino Biso-
nekwa kebinenapo amba wālongele namino.
Ino yō, “wajoka [na mununu], wadya bidibwa
mu njibo yandi, watoma ne mema.” Yeho-
va kāsangelepo. Mupolofeto wāongwelwe pa
kujokela ku Yuda, ntambo wamutana ne ku-
mwipaya. Yō, mwingilo wandi wa bupolofeto
wāpwa bya bulanda!—1 Bal. 13:19-25.

Byabupeta bya ku Mushipiditu

w10 1/8 p. 32 mus. 5
Aye Umonanga Biyampe Bidi mu Muntu

Kya mvubu mpata, binenwa bidi mu 1 Ba-
lopwe 14:13 bitufundija kintu kilumbuluke
kitala padi Yehova ne byobya byakimba
motudi. Vuluka amba kintu kilumbuluke ‘kya-

tenwe’ mudi Abidya. Bimweka amba Yehova
wāsaatyile mu mutyima wa Abidya kufika ne
byaatene’mo kiyukeno kya bulumbuluke. Ku-
dingakanya na kyandi kisaka, Abidya wadi
pamo bwa mufundi utūla dilungo dilēme “mu
mulwi wa minono.” Yehova wāsenswe buno
bulumbuluke ne kwibwesela, kadi wafwila
lusa uno muntu wa mu kisaka kibi.

26 KWEJI 9–2 KWEJI 10

**BYABULĒME BYA MU KINENWA KYA
LEZA | 1 BALOPWE 15-16**

**“Asa Wālongele Bintu na Bupyasakane
—Le Abe Nobe?”**

w12-F 15/8 p. 8 mus. 4
“Mwingilo obe Udi na Mpalo”

Mu bula bwa myaka 20 yālondele’po pa ku-
pwa kwa Isalela kulalwa mu malopwe abidi,
Yuda wāongwelwe na bilongwa bya bantu ba
mizo. Asa pa kwikala mulopwe mu 977 Y.K.,
kipango kya bulopwe kyādi ke kisubijibwe
na baleza ba bumeni ba bene Kenani. Ino
Bible unena pangala pa buludiki bwa Asa
amba: “Walongele biyampe ne byoloke ku
meso a Yehova Leza wandi.” Asa “wafundwile
bisōkelo byeni ne mitenta, wavingakanya bi-
komo bikola, watyumuna ne bipanda bikola.”
(2 Bi 14:2, 3) Kadi “wapanga bana-bal-
ume bandumba” ba mu bulopwe bwa Yuda,
bādi balonga busekese bwa bantu ba ngitu
imo mu butōtyi bwabo. Asa kāimaninepo’nka
pano. Ino kadi wēbasoŋenye ‘bakimbe Yeho-
va Leza wa bakulutuba babo kadi balame
bijila ne mbila’ yandi.—1 Ba 15:12, 13; 2 Bi
14:4.

w17.03 p. 19 mus. 7
Ingidila Yehova na Mutyima Mubwaninine!

⁷ Le tukayuka namani shi twi bepāne na
mutyima mubwaninine kudi Yehova? Tubwa-

nya kwiipangula'mba: 'Le nkakōkela Yehova nansha pobimweka bu bikomo? Lelo ne mu-
sumininwe ne pa mfulo kulama butōki bwa
kipwilo?' Vuluka bukankamane bwādi na Asa
pa kubikula nkambo wandi pa kitenta kya bu
inamfumu! Padi kyaba kimo nobe usakilwa
bukankamane na bwa Asa. Kimfwa, le ukalo-
nga namani shi muntu wa mu kisaka nansha
mulunda nobe walonga bubi ne kupela kwi-
sāsa, ku mfulo wapangwa? Le ukasumininwa
kuleka kupwana na uno muntu? Le mutyima
obe ukakutonona ulonge bika?

it-1-F p. 195 mus. 6

Asa

Nansha Asa byābudilwe kitatyi kimo tunangu
ne buyuki bwa ku mushipiditu, ngikadila ya-
ndi miyampe ne kuleka kwikuja mu butōtyi
bwa bilezaleza, byātabukile bulēme kupita ne
bilubo byandi bine, o mwanda ubadilwa mu
mulongo wa balopwe ba kikōkeji ba Yuda.
(2Bi 15:17) Myaka 41 ya bubikadi bwa Asa
idingakene na myaka yābikela balopwe mwā-
nda ba Isalela: Yeloboame, Nadaba, Baasha,
Elā, Zimidi, Omidi, Tibini (mwine wāendeje
Isalela koku ulwa na Omidi), ne Ahaba. (1Ba
15:9, 25, 33; 16:8, 15, 16, 21, 23, 29) Asa pa
kufwa wandi mwana Yehoshafata wābikala bu
mulopwe.—1Ba 15:24.

Byabupeta bya ku Mushipiditu

w98-F 15/9 p. 21-22

Le Ukulupile Amba Leza Udi'ko Bine?

Kimfwa, tanga bupolofeto butala mfuto yādi
ya kupebwa muntu wādi ke kūbakulula kibu-
ndi kya Yediko ne kufikidila kwabo. Yoshua 6:
26 unena'mba: "Mu kine kitatyi'kya Yoshua
watyipa uno mutyipo amba: 'Afiingwe mafi-
ngo ku meso a Yehova muntu ukasomonwa
kūbakulula kino kibundi kya Yediko. Kitatyi
kyakāla kyalwilo kya kibundi ukajimija wandi

mwana umbedi, kadi pakashimika bibelo bya-
kyo ukajimija wandi mwana mukala.'" Buno
bupolofeto bwāfikidile pa kupwa kwa myaka
500 kupita'po, tutanga mu 1 Balopwe 16:34
amba: "Mu mafuku andi, [Mulopwe Aha-
ba] Hiele mwine Betele waubakulwile Yediko.
Wajimija Abilama wandi mwana umbedi pa
kwala kyalwilo kyakyo, kadi wajimija Sekuba
mukala wandi pa kushimika bibelo byakyo,
mungya binenwa bya Yehova byaesambile ku-
pityila kudi Yoshua mwanā Nuna." I'nka Leza
wa bine kete ubwanya kulaya bupolofeto na
buno ne kufikidija'bo.

3-9 KWEJI 10

BYABULĒME BYA MU KINENWA KYA LEZA | 1 BALOPWE 17-18

"Le Mukekala na Mifutu Ibidi Kufika ne Kitatyi'ka?"

w17.03 p. 14 mus. 6

Lombola Lwitabijo, Ukwate Butyibi na Tunangu!

⁶ Bene Isalela pobādi mu Ntanda ya Mulao,
bādi banenwe kutonga kutōta Yehova nansha
kwingidila baleza bakwabo. (Tanga Yoshua
24:15.) Buno butyibi bwādi bukojeja kumwe-
ka bu butyetye. Inoko, butongi bwabo bwādi
bubwanya kwibalelela būmi nansha lufu. Mu
kitatyi kya Batyibi, bene Isalela bādi bakwata
butyibi bubi. Bālekele'byo kutōta Yehova, bā-
shilula kutōta baleza ba bubela. (Batyibi 2:3,
11-23) Mwenda mafuku, mu kitatyi kya mu-
polofeto Ediya, bantu ba Leza bādi banenwe
kutonga kwingidila Yehova, nansha Bāla, leza
wa bubela. (1 Balopwe 18:21) Kino kibwanya
kumweka bu butongi bupēla, mwanda kwi-
ngidila Yehova i kuyampe nyeke. Muntu wa
tunangu kaketabijapo kwingidila leza wampi-
kwa būmi. Inoko bantu bākomenwe kukwata
butyibi. Bible unena'mba bene Isalela bāikele

“ne mityima ibidi.” Ediya wēbakankamikile na tunangu batonge kutōta Yehova, Leza wa bine.

ia p. 88 mus. 15

Wānenene Mutōtelo Utōka

¹⁵ Penepo, babitobo ba Bala bajinwa mitwe bininge, “baabija ne diwi dikatampe, ne kwi-tyiba na mpete ne mikobe mungya muswelo wabo, ne mashi kēbasose ko badi.” Ino bino byonso byaenda pa mema! “Kekwadipo diwi nansha kulondololwa, nansha umo wa kuba-ngapo mwine.” (1 Bal. 18:28, 29) Na bubine, Bala kādikopo. Wādi’tu mulangwe mubi wāle-tele Satana mwanda wa kukimba kupalula bantu kudi Yehova. Bubine i buno amba, yewa ense witongela mfumwandi mukwabo pa kyaba kya Yehova ukatumukwa mutyima, ne kufwa bumvu.—Tanga Mitōto 25:3; 115:4-8.

ia p. 90 mus. 18

Wānenene Mutōtelo Utōka

¹⁸ Kumeso kwa Ediya kulombela, padi kibumbo kyēipangwile shi Yehova nandi i wa bubela pamo bwa Bala. Ino pa kupwa’tu kulombela, malondololo amweka. Nsekununi inena amba: “Penepa kala mudilo wa Yehova wapona, ne kuloteja kyakwela kisōkwe, ne nkuni, ne mabwe, ne luvumbi, kadi walambidila ne mema mene adi mu luvwa’a.” (1 Bal. 18:38) Bine, ādi malondololo atulumukwa kashā! Penepa, le bantu balongele’po namani?

Byabupeta bya ku Mushipiditu

w08-F 1/4 p. 19, kapango

Wātadile kadi Wāilaije

Le Mulanga Wālongele Mafuku Anga mu Kitatyi kya Ediya?

Ediya mupolofeto wa Yehova wāsapwidile Mulopwe Ahaba amba uno mulanga mulampe

keusa kupwa. Kino kyālongekele “mu mwa-ka wa busatu”—mobimwekela i kushilwila’nka mu difuku dibajinji dyāsapwile Ediya’mba kusa kwikala mulanga. (1 Balopwe 18:1) Aye pa kupwa kusapula uno mwanda, kepāijijepo Yehova wanokeja mvula. Bantu bamo babwanya kunena amba uno mulanga kewābwenyepo ne myaka isatu mine, nansha’mba wāpwile kumeso ne kwa mwaka wa busatu kuvuika. Inoko, Yesu ne Yakoba betusapwila amba mulanga wāijije “myaka isatu ne myeji isamba.” (Luka 4:25; Yakoba 5:17) Lelo bino binenwa bīpatanya?

Ke amopo. Mu Isalela wakala kipindi kya mulanga kyādi kija bininge, kyādi kilonga kubwipi kwa myeji isamba. Ne kutatana mpika, kitatyi Ediya kyaākasapwidile Ahaba amba kusa kwikala mulanga, bushipo bwādi kebwiye kupita ne pobupwilanga. Na bubine, mulanga wādi kemushilule kala kekupite ne kipindi kya mwaka. Nanshi tamba kitatyi kyāelele Ediya musapu wa mulanga kutūla ne paāsapwile mfulo yao “mu mwaka wa busatu,” mulanga wādi papo ke mulonge kintu kya myaka isatu ne kipindi. “Myaka isatu ne myeji isamba” mituntulu yādi ke mipite kitatyi kyēbungile bantu bonso mwanda wa kwimwena kutompibwa kukatampe ku Lūlu Iwa Kalamela.

Pano tulangulukilei pa musunsa mubajinji wāketene Ediya na Ahaba. Bantu bādi balanga’mba Bāla ye “mwine utentamanga pa makumbi,” leza uletanga mvula ne kupwija mulanga. Kitatyi kyāijije mulanga kupita ne pa kitatyi kyao, bantu ye bano bādi beipangula amba: ‘Le Bāla udi kwepi? Le ukanokeja mvula kitatyi’ka?’ Musapu wa Ediya wa amba kekukekalapo mvula nansha lume kufika’nka ne kitatyi kyākanena amba bikale’ko, wātapile mpata mityima ya bano batōtyi ba Bāla.—1 Balopwe 17:1.

10-16 KWEJI 10

BYABULĒME BYA MU KINENWA KYA LEZA | 1 BALOPWE 19-20

“Nyemena Kudi Yehova Akusenge”

w19.06 p. 15 mus. 5

Tukulupilei Mudi Yehova Kitatyi Kyotudi
na Njia

⁵ **Tanga 1 Balopwe 19:1-4.** Ino Ediya wākwewe moyo kitatyi kyādi kikimba kumwipaya Yezebele, mulopwe mukaji. Penepo Ediya wānyemena ku Bela-Sheba. Wātyumukilwe mutyima bininge, “walomba’mba afwe.” Le i bika byāmulengeje eivwane uno muswelo? Ediya wādi muntu wampikwa kubwaninina, “muntu pamo’nka bwa batwe.” (Yak. 5:17) Padi wālēmenenwe na njia ne kukōka ku ngitu. Bimweka bu Ediya wālangile amba bukomo bwalonga bwa kukankamika mutōtelo utōka i bwa bitupu, i kutupu kintu kisa kulumbuluka mu Isalela, ne amba i aye kete ushele’ko wingidila Yehova. (1 Ba. 18:3, 4, 13; 19:10, 14) Tubwanya padi kutulumuka uno mupolofeto wa kikōkeji wiivwana uno muswelo. Ino Yehova wāivwanije mwiivwanino wa Ediya.

ia p. 103 mus. 13

Wāsengelwe na Leza Wandī

¹³ Molangila Yehova wēivwene namani paātadile aye mūlu ne kumona mupolofeto wandi muswedibwe ulēle munshi mwa mutyi mu ntanda mutuputupu koku ulomba kufwa? Ketwakyenda ne kulampe kwine. Kitatyi kyāponene Ediya mu tulo bukū, Yehova wamutuma mwikeulu. Mwikeulu walangula Ediya na kumutenga bityebitye kamunena’mba: “Languka udye.” Ediya walanguka, mwanda mwikeulu wāmuletele bidibwa bipēla, mukate mukabe ne mema. Lelo wāfwijije’ko mwikeulu? Nsekununi inena’tu amba mupolo-

feto wadya ne kutoma kupwa walāla monka. Lelo wādi mukomenwe ne kwisamba kwine? Nansha bikale nankyo, mwikeukulu wāmulangwile monka musunsa wa bubidi, padi i ku lubanga. Wazenza monka Ediya amba, “Languka udye,” kupwa wabweja’ko bino binenwa bisenga amba, “mwanda lwendo i lulampe kodi.”—1 Bal. 19:5-7.

ia p. 106 mus. 21

Wāsengelwe na Leza Wandī

²¹ Mu ino myanda yonso, nsekununi ituvuluja amba Yehova kādipo mu bino binkumenkume byonso bitulumukwa bya bukomo bwa kipangila. Ediya wādi uyukile amba Yehova ke lezapo wa kufwatakanya’tu pamo bwa Bala, wātendelwe na batōtyi bandi bāongwelwe amba i aye “wendejanga makumbi,” nansha uletanga mvula. Yehova ye Nsulo mine ya bukomo bonso bulenga nzuba budi mu bupangi, inoko kadi i mukatampe mpata kutabuka bintu byonso byapangile. Nansha ke mu madiulu mwine kabwana’mopo! (1 Bal. 8:27) Le bino byonso byākweshe Ediya namani? Vuluka amba wāivwene moyo. Ediya byaādi na Yehova bu Leza wandi, Leza mwine wādi na buno bukomo bonso, o mwanda kādipo kya kutyinina ba Ahaba ne Yezebele! —**Tanga Mitōto 118:6.**

ia p. 106 mus. 22

Wāsengelwe na Leza Wandī

²² Mudilo pa kupita, kwātalala nyā, Ediya wāteleka “diwi dya misongwe senene.” Dyāita Ediya eshintulwile monka, nandi washintulula, wāpungulula makambakano andi musungu wa bubidi. Padi kino kyāmusengele monka. Ne kutatana mpika, Ediya wākankamikilwe bininge mu byamunene monka dino “diwi dya misongwe senene.” Yehova wākulupije Ediya amba kādipo wa bituputupu. Namani? Leza wāmusokwedile bivule bitala mpango yandi ya mu mafuku a kumeso byādi

bisambila pa divita dya butōtyi bwa Bala mu Isalela. Na bubine, mwingilo wa Ediya kewādipo wa bituputupu, mwanda mpango ya Leza yādi yenda’nka kumeso. Kadi, Ediya wādi nandi na mvubu pa kufikidija ino mpango, mwanda Yehova wāmutumine monka mu mwingilo na kumupa bulombodi bupoto-loke.—1 Bal. 19:12-17.

Byabupeta bya ku Mushipiditu

w97-F 1/11 p. 31 mus. 1

Kimfwa Kiyampe kya Kwipāna ne Lulamato

Bengidi bavule ba Yehova dyalelo, balombolanga mushipiditu umo onka wa kwipāna. Bamo i bashiye “madimi” abo, mobo abo, mwanda wa kukasapula myanda miyampe kokwa kusakilwa bukwashi nansha kwingidila ku Betele. Bakwabo nabo bendanga mu matanda angi mwanda wa kukwasha ku mwingilo wa lūbako. Bangi nabo baitabije’nka ne mingilo itwa bu ya munshi bininge. Ino, i kutupu mwingidi nansha umo wa Yehova wingilanga mwingilo wa munshi bininge. Yehova usangelanga bonso bamwingidila na mutyima tō, kadi weselanga mushipiditu wabo wa kwipāna.—Mako 10:29, 30.

17-23 KWEJI 10

BYABULĒME BYA MU KINENWA KYA LEZA | 1 BALOPWE 21-22

“Iula Muswelo Wingidijanga Yehova Lupusa Lwandi”

it-1-F p. 1266

Yehova wa Bibumbo

Yoshua paāmwene mwikeulu kubwipi na kibundi kya Yediko, wāmwipangula shi udi kumutamba wa bene Isalela nansha wa balwana nabo, nandi wālonlolola’mba, “Mhm, ino ne mwiye bu mfumu wa kibumbo kya divita kya Yehova.” (Yos 5:13-15) Mupolo-

feto Mikaya wālombwele Mulopwe Ahaba ne Yehoshafata amba, “Namonenga Yehova ushikete pa lupona lwandi kadi bibumbo byonso bya mūlu bimene kubwipi nandi, ku lundyo ne ku lunkuso,” wādi wisambila pa bamwikeulu. (1Ba 22:19-21) Kwingidijibwa mu buvule kwa musemwa “Yehova wa bibumbo” i kwendele’mo, mwanda bano ba mwikeulu kebabanibwepo’nka mu bisumpi bya bake-lubi, baselafimi ne bamwikeulu kete (Isa 6: 2, 3; Ngo 3:24; Kus 5:11) ino kadi i balongololwe senene mu bisumpi, o mwanda Yesu wānenene amba: “Bibumbo bya bulwi bya bamwikeulu bipite pa 12” byādi bite-akanye kwitaba ku lwito lwandi. (Mat 26: 53) Hezekia paāzenzele Yehova amukwashe wāityile’mba, “Yehova wa bibumbo, Leza wa Isalela, abe ushikete pa lupona peulu pa bakelubi,” na bubine, wādingakenye na sanduku wa kipwano ne bakelubi bādi pa kipapo kya sanduku, byelekeja lupona lwa Yehova lwa mūlu. (Isa 37:16; dingakanya na 1Sa 4:4; 2Sa 6:2.) Nansha bengidi ba Edisha byo bādi na moyo, ino bākomejibwe kupityila ku kimonwa kitamba kudi Leza mo bāmwene ngulu kufula-kufula kwa kibundi kya Edisha kitēkelwe kasāla “ne tubalwe ne makalo a divita,” kisumpi kya bamwikeulu ba Yehova.—2Ba 6: 15-17.

w21.02 p. 4 mus 9

“Mutwe wa Mwana-Mulume Ense I Kidishitu”

⁹ **Kwityepeja.** Yehova i muntu wa tunangu kutabuka, inoko wivwananga milangwe ya bengidi bandi. (Ngo. 18:23, 24, 32) Witabijanga bantu badi mu lupusa lwandi baletе milangwe yabo. (1 Ba. 22:19-22) Yehova i mubwaninine, inoko kasakengapo tulonge bintu mu muswelo mubwaninine. Ino ukwashanga bantu bampikwa kubwaninina bamwingidila babwanye byobalonga. (Nim. 113:6, 7) Kadi Bible utela’nka ne Ye-

hova bu “mukwashi.” (Ñim. 27:9; Bah. 13:6) Mulopwe Davida wāitabije amba, wābwenye mwingilo mukatampe obamupele pa mwanda’tu wa kwityepeja kwa Yehova.—2 Sa. 22:36.

it-2-F p. 255 mus. 7

Bubela

Yehova Leza ulekanga “kyakwibaluakanya” nakyo kifikile boba basenswe bongojani “ne kwitabija bubela” pa kyaba kya kwitabija myanda miyampe itala Yesu Kidishitu. (2Ts 2: 9-12) Uno mwanda i mukwatañane na byāfikile Ahaba Mulopwe wa Isalela. Bapolofeto ba bubela bādi bamukulupija’mba ukanekenya divita ku Lamote-Ngileade, ino Mikaya mupolofeto wa Yehova wānenene amba, ukatanwa na kyamalwa. Enka mwāmwenine’kyo Mikaya mu kimonwa, Yehova wālekele kipangwa kimo kya ku mushipiditu kyāikala bu “mushipiditu wa kyongo” mu byakanwa bya bapolofeto ba Ahaba. Mu muneneno mukwabo, kino kipangwa kya ku mushipiditu kyāingidije bukomo bwakyo pa bano bapolofeto, nabo bāshilula kwisamba myanda ya bubela, kadi yādi isangela Ahaba kuteja. Nansha Ahaba byaādyumwinwe, ino wātongele kuteja buno bubela, mfulo mfulō wājimija būmi bwandi.—1Ba 22:1-38; 2 Bi. 18.

Byabupeta bya ku Mushipiditu

w21.10 p. 3 mus. 4-6

Le Kwisāsa kwa Bine Kushintulula Bika?

⁴ Ku mfulo, kitūkijetyima kya Yehova kyāfikile ku mfulo. Wātuma Ediya akalombole ba Ahaba ne Yezebele amba Leza usa kwibapa mfuto. Kisaka kyabo kyonso kyādi kya kwipai-bwa. Binenwa bya Ediya byāsense Ahaba! Ino na bya dyese uno muntu wa kibengo ‘wētyepeja.’—1 Ba. 21:19-29.

⁵ Nansha Ahaba byāetyepeje mu uno mwanda, ino bintu byaālongele mwenda mafuku

byālombwele amba kēsāshilepo bya bine. Kātalwilepo butōtyi bwa Bāla mu bulopwe bwandi. Kadi kākankamikilepo bantu batōte Yehova. Kadi Ahaba wālombwele kubulwa kwisāsa kwandi mu miswelo mikwabo.

⁶ Mwenda mafuku, Ahaba pawāityile Yehoshafata mulopwe muyampe wa Yuda akamukwashe mu bulwi bwa kulwa na bene Shidea, Yehoshafata wāmunena bakepangule bidi mupolofeto wa Yehova. Dibajinji Ahaba wāpela, wānena’mba: “Kukidi muntu mukwabo kotubwanya kwipangwila Yehova; ino ami mushikilwe, mwanda kashā kanenene bupolofeto buyampe pa mwanda wami, poso’nka bubu.” Nansha nabya, bākepangula mupolofeto Mikaya. Monka mwānenene’kyo Ahaba, muntu wa Leza wālaile bintu bibi padi Ahaba! Ino pa kyaba kya kulomba Yehova amulekele, Ahaba muntu mubi wāeleja mupolofeto mu kifungo. (1 Ba. 22:7-9, 23, 27) Nansha mulopwe byaākutyile mupolofeto wa Yehova mu kifungo, ino kādipo ukojeja kukankaja bupolofeto buleke kufikidila. Ahaba bāmwi-paile mu bulwi.—1 Ba. 22:34-38.

24-30 KWEJI 10

BYABULĒME BYA MU KINENWA KYA LEZA | 2 BALOPWE 1-2

“Kimfwa Kiyampe Kitala Kufundija Bakwabo Mingilo”

w15 1/4 p. 18 mus. 15

Muswelo Bakulumpe Obafundijanga Bakwabo Babwanye Bisakibwa

¹⁵ Nsekununi ya Edisha mpingakani wa Ediya, ilombola kadi amba batutu dyalelo bafwani-nwe kulombola bulēme bwa bine ku bakulumpe ba bwino. Ba Ediya ne Edisha pa kupwa kupempula kisumpi kya bapolofeto mu Yediko, bonso babidi bāendele ku Munonga wa Yodano. Kwine’kwa, “Ediya wayata

kikutu kyandi, wekivunga pamo wa kupila pa mema, penepa akalañanibwa.” Abo pa kupwa kwabuka panshi myumu, bano banabalume bādi “benda besamba.” Na bubine, Edisha kālångilepo amba wayuka byonso. Kufika’nka ne kitatyi kyāselelwe Ediya, Edisha wādi ulama binenwa byo-byonso byādi bine na mufundiji wandi. Ebiya Ediya wātekunwa mu kimpumpu. Kupwa, Edisha wājokela ku Yodano, wākupila kikutu kya Ediya pa mema ne kunena amba: “Lelo a Yehova Leza wa Ediya udi kwepi le?” Monka kadi, mema aka-lañanibwa.—2 Ba. 2:8-14.

w15 1/4 p. 18 mus. 16

**Muswelo Bakulumpe Obafundijanga
Bakwabo Babwanye Bisakibwa**

¹⁶ Mwene ubamone amba kingelengele kibajinji kya Edisha kyādi kiifwene na kya mfulo kyālongele Ediya? Le kino kitufundija bika? Bimweka bu, Edisha kāmwenepo amba aye ye washala mupolofeto, ufwaniinwe kulonga bintu mu muswelo mwishile na wādi ulonga’byo Ediya. Inoko, na kulonga nyeke bintu na mwādi mulongela Ediya, Edisha wālombwele bulēme bwa bine kudi mufundiji wandi, bine byākulupije bapolofeto bakwabo. (2 Ba. 2:15) Mu bula bwa myaka 60 ya mwingilo wa bupolofeto ya Edisha, Yehova wāmukweshe alonge bingelengele bivule kupita ne byālongele Ediya. Nobe byofundijibwa dyalelo, le i ñeni’ka yowaboila’ko?

Byabupeta bya ku Mushipiditu

w05 1/10 p. 19 mus 1

**Myanda Mikatampe ya mu Mukanda
wa Bubidi wa Balopwe**

2:11—Le i “mūlu” mwepi mumo ‘mwākandile Ediya mu kimpumpu’? Ano ke madiulupo a mu imbua ya ñenyenye nansha mu madiulu a ku mushipiditu mudi Leza ne bandi bana, bamwikeulu, mhm. (Kupituluka 4:19; Mitōto

11:4; Mateo 6:9; 18:10) “Mūlu” mwākandile Ediya i mu madiulu atumbuka toni’a. (Mitōto 78:26; Mateo 6:26) Dikalo dya mudilo pa kupita mu lwelele lubilo, dyātundulwidile Ediya ku kifuko kikwabo kya ntanda, kwaāendelele na kwikala na būmi mu mafuku kampanda. Myaka pa kupita’po, Ediya wātumīne Yeholama, mulopwe wa Yuda mukanda.—2 Bilongwa 21:1, 12-15.

31 KWEJI 10–6 KWEJI 11

**BYABULĒME BYA MU KINENWA KYA
LEZA | 2 BALOPWE 3-4**

“Tekuna Obe Mwana”

w17.12 p. 4 mus. 7

“Ndyukile Amba Ukasangukanga”

⁷ Lusangukilo lwa bubidi lulembelwe mu Bible i lolwa lwālongelwe na mupolofeto Edisha. Mu kibundi kya Shuneme, mwādi mushikata mwana-mukaji umo mwine Isalela wādi ñumba. Yehova wāmwelese aye ne wandi mulume wādi ke mununu bābutula mwana mwana-mulume, mwanda wātundaile Edisha na kizaji. Inoko myaka mityetye pa kupita’po, mwana’wa wāfwa. Fwatakanya’po bidi mwāivwanine uno lolo bulanda. Byaāivwene bulanda bukatampe mpata, o mwanda wāendele lwendo lwa makilometele 30 kukakimba Edisha ku Lūlu lwa Kalamela. Edisha wābadikije mwingidi wandi Ngehazi ku Shuneme akasangule mwana’wa. Inoko Ngehazi wākomenwe kumusangula. Penepa uno lolo wādi na bulanda wāfika kwandi na Edisha.—2 Balopwe 4:8-31.

w17.12 p. 4 mus. 8

“Ndyukile Amba Ukasangukanga”

⁸ Ebiya Edisha wātwela mwinjibo mwādi mulādikilwe mwana’wa, kalombela. Yehova wālundolwele milombelo ya Edisha na kusa-

ngula mwana'wa mu kingelengele. Lolo'wa pa kumona'mba wandi mwana wasanguka, penepo wātombojoka nsangaji! (Tanga 2 Baplope 4:32-37.) Padi uno lolo wāvulukile binenwa bya mu milombelo ya Hana. Hana wādi ñumba kufika ne byāmwelese Yehova wābutula Samwele, wandi mwana mwana-mulume. Penepa Hana wātendela Yehova mwanda utūkijanga mu kibundu “kabidi ne kukandija monka.” (1 Samwele 2:6) Pa kusangula uno mwanā mwana-mukaji wa mu Shuneme, Leza wālombwele amba udi na bukomu bwa kusangula bafwile.

Byabupeta bya ku Mushipiditu

it-2-F p. 672 mus. 6

Mupolofeto

“Bana ba Bapolofeto.” Enka mushotolwela'kyo Ngalameme ya Kihebelu (Oxford, 1952, p. 418), bishima bya Kihebelu *ben* (mwana wa) nansha *beneh'* (bana ba) bibwanya kushintulula “muntu ubadilwa mu kitango kampanda nansha mu soshete kabidye (kabila nansha kisumpi kampanda kipotoloke).” (Dingakanya na Neh 3:8, mwine mutelwe kishima pa kishima, “muntu usobakanyanga māni” bu “mwana wa yewa usobakanyanga māni.”) Nanshi “bana ba bapolofeto” bādi babwanya kufunkila pa masomo a kufundija boba bādi na kyabuntu kya bupolofeto nansha kisumpi kya bapolofeto bengidila pamo. Tutanga'mba, bino bisumpi bya bapolofeto byādi bitanwa ku Betele, Yediko, ne ku Ngilengale. (2Ba 2:3, 5; 4:38; dingakanya na 1Sa 10:5, 10.) Samwele wādi wimanine kisumpi kimo kya ku Lama (1Sa 19:19, 20), kadi bimweka amba Edisha nandi wāingile uno mwingilo mu mafuku andi. (2Ba 4:38; 6:1-3; dingakanya na 1Ba 18:13.) Mānga ilombola'mba bana ba bapolofeto bēubakile abo bene mwa kushikata na kwingidija kingidilwa kya kwajima, kintu

kilombola'mba kebādipo na būmi bwa katu-tu. Nansha byobādi badya bimo ne kushikata mumo, inoko bādi batumwa muntu ne muntu mu mwingilo wa bupolofeto.—1Ba 20:35-42; 2Ba 4:1, 2, 39; 6:1-7; 9:1, 2.

